

# UNIVERZITET U SARAJEVU

## - SENAT -

Sarajevo, 19. 12. 2012. godine

### Z A P I S N I K SA SVEČANE SJEDNICE SENATA ODRŽANE 19. 12. 2012. GODINE

Prisutni članovi Senata: prof. dr. Muharem Avdispahić, rektor, prof. dr. Dženan Đonlagić i prof. dr. Ugo Vlasisavljević, prorektori, prof. Marina Finci, doc. dr. Dženana Bijedić (po ovlaštenju dekana), prof. dr. Željko Šain, prof. dr. Narcis Behlilović, prof. dr. Ifet Mahmutović (po ovlaštenju dekana), prof. dr. Dijana Avdić, prof. dr. Davorka Završnik, prof. dr. Nijaz Ibrulj, prof. dr. Ejub Džaferović, prof. dr. Nedžad Mulabegović, prof. dr. Uzeir Bavčić, prof. dr. Rifat Škrijelj, prof. dr. Safet Nurković, prof. dr. Milka Maksimović, prof. dr. Sead Redžepagić, prof. dr. Mirza Dautbašić, prof. dr. Aida Hodžić (po ovlaštenju dekana), prof. dr. Munib Tahirović, prof. dr. Pavo Jurišić i Ahmed Nurković (SPUS).

Ostali prisutni: dr. Lidija Lincender-Cvijetić, dr. Mira Šunjić-Beus, dr. Hajrija Konjhodžić-Raščić, prof. Metka Kraigher-Hozo i prof. dr. Mustafa Podžo, profesori emeritusi, akademik Boris Tihi, profesor emeritus, prof. dr. Mehmed Akšamija, prof. dr. Almedina Zuko, izvjestioci za profesore emerituse.

Sjednici je, prema pozivu, prisustvovao i prof. dr. Damir Marjanović, ministar za obrazovanje, nauku i mlade Kantona Sarajevo.

Odsutni: prof. Pjer Žalica, prof. dr. Zuhdija Hasanović, prof. dr. Nedžad Korajlić, prof. dr. Šaćir Filandra, prof. dr. Samir Čaušević, prof. dr. Ivo Komšić, prof. dr. Hasnija Muratagić-Tuna, prof. dr. Mustafa Hrasnica, prof. Mirjana Papić-Hrkaš, prof. dr. Mirsad Kurtović, prof. dr. Hajrija Sijerčić-Čolić, prof. dr. Zoran Hadžiahmetović (KCUS), dr. Ismet Ovčina (NUB), članovi.

Sjednica je počela u 13,00 sati.

Predsjedavao je rektor prof. dr. Muharem Avdispahić.

### TOK SVEČANE SJEDNICE

Prof. dr. Muharem Avdispahić obavijestio je sve prisutne da će se na današnjoj svečanoj sjednici Senata obaviti promocija dodjele počasnog zvanja profesora emeritusa za 2012. godinu sljedećim penzionisanim redovnim profesorima Univerziteta u Sarajevu:

- prof. Metki Kraigher-Hozo, penzionisanom redovnom profesoru Akademije likovnih umjetnosti Univerziteta u Sarajevu,

- dr. Miri Šunjić-Beus, penzionisanom redovnom profesoru Ekonomskog fakulteta Univerziteta u Sarajevu,
- dr. Lidiji Lincender-Cvijetić, penzionisanom redovnom profesoru Fakulteta zdravstvenih studija Univerziteta u Sarajevu,
- dr. Hajriji Konjhodžić-Raščić, penzionisanom redovnom profesoru Stomatološkog fakulteta sa klinikama Univerziteta u Sarajevu, i
- dr. Mustafi Podži, penzionisanom redovnom profesoru Veterinarskog fakulteta Univerziteta u Sarajevu.

Najprije je prof. dr. Muharem Avdispahić dao riječ izvjestiocima, koji su se obratili prisutnima prigodnim predstavljanjem opusa kandidata.

- Za prof. Metku Kraigher-Hozo, penzionisanog redovnog profesora Akademije likovnih umjetnosti Univerziteta u Sarajevu, izvjestilac je bio prof. dr. Mehmed Akšamija.
- Za dr. Miru Šunjić-Beus, penzionisanog redovnog profesora Ekonomskog fakulteta Univerziteta u Sarajevu, izvjestilac je bio akademik Boris Tihi, profesor emeritus.
- Za dr. Lidiju Lincender-Cvijetić, penzionisanog redovnog profesora Fakulteta zdravstvenih studija Univerziteta u Sarajevu, izvjestilac je bila prof. dr. Dijana Avdić.
- Za dr. Hajriju Konjhodžić-Raščić, penzionisanog redovnog profesora Stomatološkog fakulteta sa klinikama Univerziteta u Sarajevu, izvjestilac je bio prof. dr. Sead Redžepagić.
- Za dr. Mustafu Podžu, penzionisanog redovnog profesora Veterinarskog fakulteta Univerziteta u Sarajevu, izvjestilac je bila prof. dr. Almedina Zuko.

Nakon što je prof. dr. Muharem Avdispahić svečano uručio odluke o dodjeli počasnog zvanja profesora emeritusa Univerziteta u Sarajevu, obratio se prisutnima i istakao da profesori emeritusi na ovaj način ostaju dio akademske zajednice kojoj će doprinijeti radom kao mentori, članovi komisija, recenzenti rukopisa, koordinatori i istraživači u naučnoistraživačkim/umjetničkoistraživačkim projektima.

Prof. dr. Muharem Avdispahić je podsjetio da je Univerzitet u Sarajevu sveobuhvatan univerzitet koji pokriva područja humanističkih, društvenih, medicinskih, prirodno-matematičkih i biotehničkih te tehničkih nauka i umjetnosti i da se pridruživanjem teoloških fakulteta reafirmira tradicija koja je stoljećima duža od one koju ovih *Decembarskih dana* Univerzitet obilježava.

Prof. dr. Damir Marjanović, ministar za obrazovanje, nauku i mlade Kantona Sarajevo, također je čestitao promoviranim profesorima emeritusima, te naveo da svaka promocija u obrazovanju i nauci predstavlja znak da akademska zajednica u BiH nastavlja napredovati.

Nakon promoviranja profesora emeritusa, prof. dr. Damir Marjanović obratio se prisutnim članovima Senata te istakao da će se kroz saradnju Univerziteta u Sarajevu i Ministarstva za obrazovanje, nauku i mlade Kantona Sarajevo unaprijediti pozicija Univerziteta u Sarajevu na evropskim i svjetskim rang-listama visokoobrazovnih institucija. Ministar Marjanović je poručio da je autonomija akademske zajednice zagarantirana i da je u narednom periodu potrebno ubrzati aktivnosti na integraciji Univerziteta u Sarajevu kao i aktivnosti na akreditaciji programa, poboljšanju položaja nauke na Univerzitetu u

Sarajevu, te istakao potrebu konkretnih razgovora o Zakonu o visokom obrazovanju i Zakonu o naučnoistraživačkoj djelatnosti.

Nakon diskusije, u kojoj su učestvovali prof. dr. Ejub Džaferović, prof. dr. Sead Redžepagić, prof. dr. Damir Marjanović i prof. dr. Uzeir Bavčić, zaključeno je da će se tematska sjednica Senata održati u prvoj polovini januara 2013. godine, te da do 21. 01. 2013. godine Senat zauzme konačan stav o realnom i mogućem ekonomskom modelu integracije Univerziteta u Sarajevu i o tome obavijesti resorno ministarstvo.

Svečana sjednica je završena u 14,00 sati.

**Rektor**

**Prof. dr. Muharem Avdispahić**

Zapisničar:

Alma Voloder-Madacki